



Vukahle u khoma khamba!



Cleopatra Mhlanga

*Swinyenyana 'Indian
mynah' swi kokiwa rinoko
hi swilo swo vangama.*



“Xana i mani a nga teka xikhahisani xa mina?” ku vutisa manana. “Ndzi xi siyile lani, naswona se a xa ha ri kona.”

Vukahle u pfunile manana ku lava xikhahisani xa yena kamara hinkwayo. Kambe a va xi kumanga ka helo.





“Xana i mani a nga teka mali ya mina?”
ku vutisa tatana. “Ndzi siyili tikhoyini lani,
naswona sweswi a ta ha ri kona.”

Vukahle u pfunile tatana ku lava tikhoyini
ta yena kamara hinkwayo. Kambe a va ti
kumanga ka helo.





“Xana i mani a nga teka medali ya mina?”
ku vutisa boti. “A yi hayekiwile lani, naswona
sweswi a ya ha ri kona.”

Vukahle u pfunile boti wa yena ku lava medali
ya yena kamara hinkwayo. Kambe a va yi
kumangi ka helo.





“Xana i mani a nga teka nopisi ya mina?”
ku vutisa sesi lonkulu. “Ndzi yi siye lani,
naswona sweswi a ya ha ri kona.”

Vukahle u pfunile sesi wa yena ku lava nopisi
ya yena kamara hinkwayo. Kambe a va yi
kumangi ka helo.





Tatana u vitanile maphorisa.

Maphorisa ya tile. Va languta ehenhla na le hansi. Va languta eximatsini na le xinenehi.



“A hi swi kumi swilo leswi swi kayivelaka. Naswona na khamba a hi ri kumi. A ku na migandlo ya tintiho kumbe migandlo ya minkondzo,” va vula.



“Ndzi ta swi kuma swilo leswi swi kayivelaka.
Na khamba ndzi ta ri kuma,” ku vula Vukahle.

U langutile ehenhla na le hansi. U langutile
eximatsini na le xineneni.

Kutani a langutisa ehandle, ivi a vona
khamba!





“Hi leriya khamba,” ku vula Vukahle, a ri karhi a kombetela ehandle ka fasitere.

Ensinyeni wa le kusuhi a ku tshamile xinyenyana. Xisaka xa xona a xi tele hi swilo swo vangama.

“A ku ri xinyenyana! Hi xona xivangelo xa ku va ku nga ri na migandlo ya tintiho kumbe minkondzo!” ku vula maphorisa.





“U tirhe kahle, Vukahle!” va vula hinkwavo.
“U ri khomile khamba!”

